

زلزل بأرض الطفوف الله يحفظ هـ الجفوف
ماي ردنا يا شهم انتـه شـيال العلم

ذابلة اورود الهواشم خويه ذبلها الجفاف
چنها سبوع اسنين يوسف حلت اعليها العجاف
ويا گمرنا بسرعة ارجع بيك مايريد انخساف
تدري صعبة بغير كافل تبگی ربّات العجاف

و الله كاسيني الحياء خويه ياراعي الوفاء
تنشدك هذي الحرم انتـه شـيال العلم

صاحت الحوراء زينب خويه سبع القنطره
و يالتشابه بالشمايل و الشهامة الحيدر
اليوم يومك بالبطولة خويه انتـه اتسطره
الماي جيبه وارجع النالا تضل فوگ الثره

خويه يا نعم الكفيل الراية بيدك لا تميل
اللاذ بسمك ما ندم انتـه شـيال العلم

راح ابو فاضل لخواه احسين و بگلبه الحزن
و گال خويه للسقاية الرخصة اطلب و الإذن
جتني سكنة عدها ابنك يا حسين شكّد يحن
لازم اگصد للشريعة و اروي هالعيلة التون

بأسمك أنه انتخي عطني رخصة يا أخي
گله بو الاكبر نعم انتـه شـيال العلم

ركب فوگ امطهمه العباس شايه گربته
التمت اعليه ابعطشها كل عياله و حاطته
ودع احسين و خواته و يوفي وعده نيته
و حدّر ابسيفه المعارة اتلوح بيده رايته

گال انا گصدي السقا نفسي لحسين الوقا
عسى نورك لا عدم انتنه شايال العلم

و گال منكم يا نواصب و الله لروي صارمي
فرگ ابجيش الجهالة و خاض نهر العلقمي
شال چفه و ملا جوده وماشرب واهوة ظمي
سبعة انعام اعلى عزمه و هالوفاء الهاشمي

ابين نبلات و رماح كثرت بجسمه الجراح
دمه من سال انرسم انتنه شايال العلم

ساعة و العباس گطعوا منه چفينه ابغدر
و ضلت ادمومه ابزنوده ويح گلبي تنهمر
صابوا الجود وتبده الماي و انصاب الصدر
و اندار وجهه للمخيم صاح يا زينب عذر

الله يلعن حرمله عالي ناوي يعمله
طفى العيون بسهم انتنه شايال العلم

والسهم حاول يشيله و مالگى عنده الزنود
و جاله ملعون ابتكبر مارعى الله الحدود
گرب منه و شال ايده و طشر الهام بعمود
طاح عباس و تلگى الكاع بالوجه ابسجود

صاح الحسين الغمر ظهري يا خويه انكسر
شملي طايح و انهدم انتنه شايال العلم